

光緒贛榆縣志卷之十八

敘述

海鹽王君知贛榆政平民驩百廢修舉於是謀竟前令縣志之役直客遊大梁從事莫府辱相委任卒卒靡暇益思愚陋備贅無以塞朋好之望書再往復辭不獲命明年王君受代還江甯走使相問具以王教諭曩所爲稟十二卷十五萬餘言屬更釐定甚艱益摯是時繼知縣事會稽陳君又因王君具書幣延爲都講於青口於是篋橐而行且行且檢讀旣至用所疑憫質於其父老夫縉紳先生事無纖鉅咨敏數反有得以不數恆半焉求所謂萬厯樊志崇禎董志康熙俞志嘉慶王志舊淮安府志都不可得最後得

光緒贛榆縣志

卷之十八

一

長沙唐仲冕嘉慶海州志唐固嘗知吾州修學好古君子也其於縣疆域之沿革民生之利病人物之去取文字之雅俗辨證至博而擇別至精異乎吳績所譏博采小說而不稟務因舊文而不攷者矣顧其爲圖有分率而無準望山川經緯動見疏舛又不以高度定節氣日出之蚤莫通人之蔽亦時有焉王稟盛推康熙嘉慶二志而分目差異一篇之中時載舊文旣非如陽湖孫氏會稽章氏所云續志之例又與山陽魯氏本心自運裁定一書者不同述作之義未知焉屬以唐氏所錄先後敘目攷之樊兆程志成於萬厯十八年草創者附生唐時熙訂正者教諭李一鳳而兆程總其要當時政典圖新方始土訓誦訓前無所因朱維藩敘所謂繕城

池釐田賦興學校修馬政廣鹽利建祠祀叅公櫝而載之又無卷數目錄比於漢代朝儀茲爲綿蕪矣董杏續志成於崇禎十三年踵樊餘緒網羅遺佚備剝緝而已康熙十二年俞廷瑞志四卷采訪者諸生張其美闔永康王運開邵恕柏良樞董瑾分輯者徐競若弟珏而進士倪長犀總其要五閱月而成自謂刪勝國之官檄與鄉宦之告身視舊志加詳慎矣顧其爲目分建革星埜形勝疆域城池山川古蹟風俗署制學校壇廟坊鎮津梁鋪遞武備荒備寺觀田里戶口丁徭租賦官莊課稅馬政鹺政土貢物產官秩宦蹟人物僑寓科目歲貢援例武科武勳辟舉德行忠孝節孝封蔭灾異兵燹藝文凡四十四門卷末知縣李俊有又綴載所爲周烈

光緒贛榆縣志

卷之十八

二

女傳贊及請免缺丁攤帶漕糧解運諸議孫一致敘之至比於邱明子長之次觀其標目義例糾紛貢諛之辭殆不足信要其事類具備後有馮藉蒐討之勤遠軼樊志矣嘉慶元年王城志四卷采訪者諸生王士槐宋璘周同元朱希看周恩隆分纂者韋服裾吳懋源朱堯望而進士周萃元總其要六閱月而成分目次第悉仍俞舊唯易丁徭戶口租賦爲丁口賦役易荒備爲倉儲歲貢爲正貢刪鋪遞官莊馬政土貢而增坊表壽考小有差分校其得失舉食貨軍政考鏡之資而等於空文複字刪併之列義未盡當也許寶善敘獨斤斤於匹夫匹婦未彰之行務廣蒐采以發幽潛可謂知二五而不知一十要其賡續舊文之功不可沒也王稟易署制

爲官廨增繪圖殉難而刪土貢又自以坊鎮津梁官廨學校次於古蹟風俗坊表武備倉儲丁口賦稅次於壇廟殉難忠義次於兵燹而自嘉慶八年以來 國家蠲賦振饑增廣學額鹽法之變更武備之因革壹切置焉弗討弗究將文牘之無徵胥史之失職歟何其簡也夫前人有作來者短焉轉相訾警大雅所弃況舊志但觀敘目未識全書庸可觀一節以量侏儒索瘢耆而議逸足竊不自量內謀於心凡所裁取一本唐志而上溯詩書爾雅春秋十九代之史旁攷山經地志說文玉篇通典通鑑通志通攷呂覽淮南若 國朝攷經論史百家之書不敢附和以謬是非不敢自用以立崖異義不敢不師乎古制不敢不尊乎今因緒紬尋隨原甄別

無取沸譖更爲例言至於部目裁篇可得而說司徒掌圖實該九州廣輪以辦土宜以區以都以圖以封以溝山川以之緯畫而政事規之以修故圖以冠焉封圻準今沿革自昔置縣僑郡華離并析千回百改祿窮巧厯若之何弗辦而辦之弗暫占星測度啟閉攸節風俗之成政教之積庶愛物而臧心先車牛以黍稷故疆域次之設險守國揆日作宮命官分土爰始是崇壇壝之不立而社稷胡主原埜之不治而處旅胡通宜焉表宅宜焉振窮故建竇次之維山與川作之自天迺陟迺降迺荒迺涖以位乎上下而利乎人民人有事焉故山川次之山林川澤墳衍原隰旣用辦其名物而作民職奉上趨公賦役有則六沴之降下賴儲峙而上沐湛澤

故食貨次之既庶既富教用誕興莘莘學子修行明經揆藻天漢
光我簪纓貲郎材官亦繇選升榮親任子懿慈孝之經故學校次
之貢舉又次之而援例武科封蔭埒焉雖治雖安備不可失南北
兵爭怒於疆場孰謂文武可任抗抑故軍政次之 國家長民責
在有司儒官牙將左之右之孰緣經術孰尙刑威孰拱默而尸祿
孰瘁癯於聲施百年在後龜鑒於茲故官師次焉邦有仁賢裨輔
治化彼義民者猶激媮慝士德女行允矣匹亞區明風烈陰教斯
播故人物與列女次之訪故國於風煙尋遺阡於榛莽無關形便
而足資弔古故古蹟次之斷斷文士矻矻經生名山之副文獻之
徵故藝文次之庶政怠而五行悖人棄常而百妖興將以覘天人

光緒贛榆縣志

卷之十八

四

之際要做勸之成也故雜記次之一事之成必有所本後凌前替
不可爲訓故以敘述終焉凡增什二省什一正譌彌罅又什之三
爲卷十有八目十有五子目五十有八載筆之日督趨頻仍自始
逮終董四閱月固知疾行無中節之步寡祿非百勝之圖然而簡
覈舊聞整齊故事程曷有限商榷靡資苟得遠於鄙倍之譽斯爲
幸矣若云筵扁夫豈敢謝倡修於光緒十二年六月始其事者前
知縣特秀總纂者前署教諭王文炳協纂者教諭陶亮賢訓導于
翼華縣歲貢陳雲升與其事者巡檢孫樹枏典史張建基彙輯者
縣進士汪彤程恩貢徐燦英附貢劉鳳文廩生徐賡章採訪者廩
生劉伯遠附生周子嘉王學先繪圖者州同銜蔣立宣十四年六

月稟成卒刊之者署知縣王豫熙終其事者今知縣陳廷璐校訂者江都增貢束綸測祿繪圖者海門副貢張雲搏縣布衣宋幹也備書其名以諗來許光緒十四年七月通州張謇撰次

咸豐庚辛之交吾家燬於兵伯兄元泉殉難死瑣尾靡依乃挈出
嗣子豫熙往依 先子門人日照邑宰蔣公省庵取道於贛榆是
時贛方遭撓亂井邑蕭條與吾鄉同攬轡淒然嘆世難之未已光
緒十三年春豫熙權令是邦具車迎養追憶前塵忽忽二紀延問
父老皆有杼軸其空之歎觀志稟采列殉難男女多至三千餘人
嗚呼生民盡矣 國家以民社付牧令當粵撓諸寇萌芽之始苟
得賢有司一伍伯縛之而有餘瞢然不察毒流天下詩云誰生厲
階至今爲梗可不爲之傷心哉兵革之禍史不絕書大約始於有
所激無所激而思亂眾心不附天亦厭之亂必不成吾竊怪昔年
亂民之多也豫熙方爲親民之官文事非其所急而咸同間兵事
光緒贛榆縣志

題後

六

實與吏治相維繫因令亟竟前志詳紀兵端藉以自警抑使來哲
覽於是篇而惕然以驚不敢自恣其官也樸學居老人王元燧題
後時光緒十四年八月

光緒贛榆縣志校補

建賓 青口和安圩周九百丈應作九百四十餘丈光緒十四年
知縣陳廷璐縣紳汪彤程徐燦英許鼎霖重修用錢六千餘緡
列女 莊某妻張年二十守節歷三十餘年

光緒贛榆縣志

校補